

# 區管會拒攬炒 傳變內部會議

## 政界：免淪政治炒作平台 認同拒邀做政治騷者參與

攬炒派把持現屆區議會後，議會變成只搞政治騷的平台，地區民生事務慘遭無視甚至被擱置。香港文匯報獲得消息，由各區民政事務專員主持的地區管理委員會將變回政府部門的官方內部會議，意味不再邀請非部門代表參與。多名政界人士昨日接受香港文匯報訪問時表示，為免地區管理委員會繼區議會後淪為攬炒派作政治炒作的平台，認同當局應拒絕邀請任何利用民生事務作政治抹黑的人參與。

■香港文匯報記者 黃子晉



■現時各區攬炒派區議員為反而反，已把今屆區議會當成對抗特區政府的平台。圖為攬炒派區議會要求拆除旺角西洋菜南街天眼系統。

全港各區均設有地區管理委員會，讓政府各部門人員得以商討地區事宜，協調區內各項公共服務和設施的提供，以確保盡快滿足區內居民的需要。區管會由各區民政事務專員主持，成員包括區內各主要政府部門代表，為加強區管會和區議會的溝通，特區政府過往曾邀請各區區議會的正副主席參與，發揮諮詢的角色。

有消息人士向香港文匯報透露，特區政府將取消邀請各個區議會代表參與區管會的做法。該消息人士指出，有意見認為區管會一直是由民政事務專員主持的跨部門會議，邀請區議會代表參與，反而未能聚焦地區事務，故決定恢復為政府內部官方會議的做法。

### 各區攬炒區員為反而反

民建聯副秘書長、黃大仙區議會前副主席黎榮浩表示，過往政府邀請區議會正副主席參與區管會，是為了方便當局了解區議會的綜合意見，但現時各區攬炒派區議員為反而反，已把今屆區議會當成對抗特區政府的平台，阻礙區議會發揮反映民生需要、提供實際建議的諮詢功能。

他舉例指，上屆黃大仙區議會及區管會推動的「人人暢道通行」增建無障礙通道計劃，早前就被攬炒派把持的黃大仙區議會在沒有開會討論下，以「書面傳閱」方式叫停。

黎榮浩認為，若特區政府不想區管會淪為另一個攬炒派對抗特區政府的平台，應拒絕再邀請任何將

民生事務作政治抹黑的人參與，各區民政專員要透過不同渠道加強收集民意。他並奉勸攬炒派區議員不要再濫權作政治炒作，否則只會浪費區議會寶貴時間。

### 分區委會取消邀區員後運作暢順

屯門西北分區委員、屯門區議會前副主席李洪森表示，多區區議會被攬炒派把持下，不斷浪費時間於政治爭拗，針對中央政府、特區政府作抹黑，攬炒派把持的屯門區議會就製造出通過撥款買「豬嘴」等鬧劇。

他認為，若區管會繼續邀請攬炒派區議員參與，或會浪費區管會的寶貴時間。以各區分區委員會為例，今屆取消邀請區議員後，至今運作暢順，故建議當局仿效，而民政專員可考慮加強各區分區委員會與政府各部門的聯繫，有助當局了解民生需要。

### 認同特區政府檢討做法

「議會監察」召集人、中西區區議會前副主席陳學鋒表示，各區區管會由民政專員主導，區議會人士事實上無任何決策權，只是有助當局多聽意見，發揮諮詢功能。

他指出，在攬炒派把持下，今屆區議會運作已無法無天，若特區政府仍讓有關人等在區管會上炒作，香港必然「亂晒龍」，故認同特區政府檢討有關做法，並透過分區委員會等其他平台了解社區不同持份者的意見，強化民政專員收集民意的角色。

## 「黃」議員拒撐鍾翰林「黃圈」涼薄踩多兩腳

網議政



■有人透過「天水圍社區關注組」貼文批評「黃圈」同「黃色」議員。fb截圖

成日話支持「同路人」嘅「黃色經濟圈」同「黃色」議員，原來見到「手足」出事只會當人係棄卒。話說「港獨」分子鍾翰林早前因涉嫌違反香港國安法及洗黑錢等罪被捕，隨時面臨10年或以上刑期，但出聲聲援佢嘅「同路人」就寥寥無幾。自稱由中小學生組成嘅「天水圍社區關注組」近日就喺fb「代人發文」，事主噏文中聲稱自己曾幫鍾翰林申請遊行，點知事後「腹背受敵」，「黃圈」中人唔幫手都算，仲反過嚟騷擾同恫嚇佢哋呢班「孤立無援」嘅學生，但喇批「黃」議員始終冷眼旁觀，甚或包庇陷害。雖然講到好慘，但同情事主嘅網民始終唔多，反而仲有人踩多兩腳，睇嚟呢個「黃圈」真係如事主所言，十分涼薄。

事主以「抗爭者的悲哀」為題，講到鍾翰林「願意為『抗爭』殉『道』」，喺大家都只剩下譏靠食飯「抗爭」嘅時候，願意申請遊行，帶大家重回街頭「抗爭」，似乎想幫佢塑造一個「偉人」形象。

### 事主：「黃圈」何時願反省？

事主仲話，由於鍾翰林當時有案在身，所以由佢代為申請遊行，點知遞表後被人襲擊騷擾，但「黃圈」中人唔止

有幫手，仲威脅佢哋幫忙陷害「抗爭者」，令佢慨嘆：「大量市民追捧的名牌『黃色經濟圈』，過去總歸是加持，還是加害年輕『抗爭者』呢？何時才願意自我反省？」

佢又「控訴」攬炒派議員：「文內這些事，差不多每個上水的組織及議員都知道，但他們由始至終選擇對這些學生冷眼旁觀，甚至包庇陷害」[「衷心希望各街坊，去支持一些『黃色經濟圈』前，先了解他們所作所為，已不敢奢求幫忙『抗爭者』，但亦不要做幫兇陷害了。」

唔知係咪呢段「控訴」刺中攬炒分子嘅要害，呢個擁有約1.3萬人追蹤讚好嘅fb page，竟然得幾個網民回應呢個post，仲要只係簡單一句「支持『抗爭者』」就算。

fb專頁「華夏心科學」就轉發帖文問：「有幾多人係真心支持鍾翰林？定係貓哭老鼠假慈悲？不過，恥笑過鍾翰林嘅人幾時出嚟道歉？」「SzeKi Ck」就話：「唔會有啦，講多兩句又比（俾）人話係『鬼』，係搞分化，講得兄弟爬山各自努力即係各家自掃門前雪嚟（囉）」。

■香港文匯報記者 雨航



■「水門泰式海南雞飯專門店」上載咗張律師樓單據。

我（她）聲就再見唔到問題……唔好令有付出過（嘅）人變成condom（用完即棄嘅避孕套）好嗎？」■香港文匯報記者 黃書蘭

## 遭英律師機構調查 何君堯：政治攻擊

香港文匯報訊（記者 鄭治祖）英國律師業註冊及監管機構（SRA）將於下月召開聆訊，調查香港建制派立法會議員何君堯有關對搞「港獨」者「殺無赦」言論有否涉及專業失當行為。何君堯昨日在香港電台節目《香港家書》中表示，相關事件是一場政治攻擊，批評投訴他的人故意歪

曲事實，並強調自己從未煽動暴力，SRA是明顯受到誤導。

何君堯指出，自己去年被英國安格利亞魯斯金大學頒發名譽博士學位，是因為有「一群人」鼓動其母校作此行為，質疑他們現時再次故伎重施，試圖影響SRA。他又對英國學術和法律專業的獨立性受到損

## 「黃店」難食不准說——講便變「分化」



「黃絲」大搞撕裂分化，所以有唔少食肆都以「黃」作招牌，但從「黃絲」口中知道，話自己「黃」嘅都係伏嘢居多。話說一個自稱「警總飯堂經理」嘅人，話自己嘅嚟年「6·12」後「辭職」，無業一年零收入，最後嘅粉嶺店賣米線。有幫襯過嘅「黃絲」話問嘢好難食，結果又俾「同路人」鬧到「分化×」。啱嘅，一個人「黃」，好多嘢都會自然喪失，例如是非觀、同情心等等，味覺當然唔可以「倖免」啦。

自稱係「警總飯堂經理」嘅徐逸昇，近日接受「黃媒」訪問時聲稱，自己嘅嚟年「6·12」後辭職，更加參與示威，仲曾經想參加區議會選舉，最終同另一攬炒派中人呂智恒撞區而棄選。大半年冇收入，但一直靠太太撐起頭家。今年，佢同幾個「同路人」夾份投資70萬元嘅粉嶺開「黃」米線店。

### 舖頭冇冷氣 米線未煮熟

不過，睇返網民反應，就對佢嘅出品反應唔多好。 「蘆葦不是葱」就嘅「連登」留言：「開張初期去過，好難食。舖頭冇冷氣，d（啲）米線未煮熟，味道普通。」「寒武紀」亦有親身經歷：「認真，開張幾日後食過，好難食。留

左（咗）電話話拎得打比（界）我，點知等左（咗）成粒幾鐘都未有電話，忍唔住落去問下，話我有留電話，搞到d（啲）米線淋（臉）晒（晒）。Total等左（咗）成2（兩）粒鐘，但個結果係貼錢買難受。」

「中立者死全家」就話：「米線咁既（嘅）價錢，可以再好食少少，因為上次試左（咗）兩碗一樣湯底既（嘅）米線，竟然可以煮到兩種味道，仲要兩種味道都係唔係好食。」不過，佢亦為該店辯護：「我估係因為佢請手足，廚師主理小食，米線係手足煮，所以有分別。」

### 「不如搞黃色弱智圈仲好啦」

「十二人の使徒」揶揄：「我諗你就係喇喇黃店比（界）屎你食都要話正喇喇。」「資本主義狙擊手」更狠批：「點解呢度既（嘅）人就係唔接受客觀評論，一定要吹捧（捧）到好×好食？然係係去到食完之後發覺同預期落差好大而產生反感，吹×到咁對連登仔有咩好處？」

「完全冇人」特登話：「問野（嘢）d（啲）料係由大陸（內地），支唔支持隨便你。……講×真，不如佢地（哋）搞個黃色弱智圈仲好啦，乜×野（嘢）食中國（內地）入口既（嘅）黃店有×問題，對住班垃圾真係好×，本末（末）倒置到咁×樣！」

■香港文匯報記者 陳川

## 「龍粉」反擊「渣家軍」 譏請店長時薪57蚊

網議政

「黃店」食人唔曝骨，只有佢自己先可以賺到盆滿鉢滿，理得你班打工仔待遇如何。「龍門冰室」成日俾「大渣哥」支持者為首嘅「渣家軍」追擊，但「龍粉」都唔呀，成日同佢互揭瘡疤。有「龍粉」日前嘅facebook群組「渣家軍人西炒車事件簿」發帖，話發現屬「渣家軍」陣營嘅「黃店」「基隆茶餐廳」請店長，一日做10個鐘，一個月做足26天，月薪都係得1.5萬蚊，寸佢一定係「良心企業」啦。

專狙擊「龍門」嘅facebook群組「倫敦人西先生手記」好耐之前攻擊過「龍門」，話佢用60蚊時薪請「手足」做嘢係食「人血饅頭」。然而，一心護主嘅「龍粉」當然要溫機會反擊「渣家軍」，而近日機會就擺在眼前。

「龍粉」「Yan Wong」發帖指，日前發現「基隆茶餐廳」請緊店長，月薪1.5萬蚊，每月例假4天，於是按飲食業每日返10個鐘嘅常態嚟計數，即係店長時薪都係得57.69蚊。「Yan Wong」就譏「基隆茶餐廳」好有「良心」，「『渣家軍』真係有良心，\$57.69一個鐘做店長」「萬五蚊店長一定係『良心企業』」。

### 「龍門」又係差唔多 有咩好爭？

睇返「基隆茶餐廳」個fb招聘post，原來上面仲要求5年以上工作經驗，仲要輪



■基隆茶餐廳時薪57蚊請店長被譏「真係有良心」。fb截圖

班工作，兼識得管理及懂電腦操作落單，咁樣嘅1.5萬蚊月薪店長係咪合理，「手足」應該都自有評價啦，但其實「龍門」咪又係差唔多，有咩好爭呢？

■香港文匯報記者 郭家好